

მ ვ ყ ე მ ს ი

საქართველოს
საბჭოთაო

შ ა ლ ლ ე ს ი ს მ თ ა ვ რ ო ბ ი ს ბ ა ნ კ ა რ ზ უ ლ ე ბ ა ნ ი .

წესდებანი,

რომელნიც საზღვრავენ ქართლის ეპარქიის სა-
მღვდელთა კრებების მოქმედებათა სფერას.

(დასასრული *).

1) კრება თვის შორის აღმორჩეული კომისიით (თბი-
ლისში ეს კომისია მტკიცდება ექსარხოსიდან), იხი-
ლავს სამღვდელთაგან შემოსული და დახარჯული
ფულების ანგარიშსა დოკუმენტებით და ეკონომიური
ანგარიშის იმ მუხლებს, რომლებზედაც იხარჯება
სამღვდელთაგან შემოტანილი ფულები. (განხ.
უწ. სინოდისა 30 სექტემბრიდამ და 23 ოკტომ-
ბრიდამ 1870 წლისა). ხოლო კრებას არ შეუძლია
შეიწმება სასწავლებლის ფულებისა, წიგნთ-საცავისა
და კონფესიისა, რომელთა შემოწმების დროს უსათუოდ
ესწრებან სამმართველოს წევრნი, სამღვდელთაგან
აღმორჩეულნი, რომელთაგან კრებას შეუძლია შე-
იტყოს ამ ქონებათა სისწორე. (გან. უწ. სინოდისა
15 სექტემბრიდამ და 8 ოკტომბრიდამ 1872 წლისა).

2) კრება იხილავს სასწავლებლის შესანახავად
ხარჯთა-აღრიცხვას (СМБТА), რომელიც წარედგინება
მას სასწავლებლის სამმართველოსაგან. შემდეგ ამ
ხარჯთა აღრიცხვის შესწორებისა და მოწონებისა კრება
უდგენს მას დასამტკიცებლად საქართველოს ექსარხოსს.
(განხ. უწ. სინოდისა 31 იანვრიდამ და 18 მარ-
ტიდამ 1868 წ.)

3) კრება ნიშნავს სასწავლებლის შესანახავად
საქირო ფულებს როგორც თავის საშუალებათაგან,
აგრეთვე თავის ოლქის ეკლესიების საშუალებათაგან,
დასამატებლად იმა ფულებისა, რომელიც ეძლევა სა-
სწავლებლის შესანახავად საქართველოს საეკლესიო
ხაზინიდან. იმ ფულებს, რომელსაც სამღვდელთა
ხელის სასწავლებლის შესანახავად, კრება თანასწო-
რად ანაწილებს ეკლესიების საშუალებათა და

კრებულის წევრთა ჯამაგირის მიხედვისა მებრ. (ცირკ.
უქაზ. უწმიდესი სინოდისა 30 აპრილიდამ 1873
წლისა № 18; გან. უწ. სინოდისა 15 სექტემბრი-
დამ და 18 ოკტომბრიდამ 1872 წ. გან. უწ. სინო-
დისა 24 ოკტომბრიდამ და 8 ნოემბრიდამ 1873 წ.)

4) კრებას შეუძლია სთხოვოს საქართველოს
ექსარხოსს, რათა ხარჯთა აღრიცხვის ზოგიერთა გა-
საყალის დასაფარავად ხმარებულ იქმნას ნაწილი იმა
ფულებისა, რომელიც შემოდის საერო წოდების ბავ-
შებისაგან სასწავლებელში სწავლების უფლებისათვის.
(განხ. უწ. სინოდისა 18 ოკტომბრიდამ და 4 იანვრი-
დამ 1873/74 წლებისა).

ბ) დანიშვნა სასწავლებელი ფულისა სასწავლე-
ბელში სწავლის უფლებისათვის საერო წოდების
მოწაფეებზე.

1) კრება ნიშნავს ერთ გეარ გარდასახადს მჭავე-
სად სხვა სასწავლებლებისა და არა მეტ-ნაკლებს.

2) მაგრამ კრებისაგან დანიშნული სასწავლებე-
ლი ფასი არ უნდა აღემატოს იმას, რასაც ამ პირთ
ანდევინებენ სხვა სამოქალაქო სასწავლებლებში. (გან.
უწ. სინოდისა 13 და 20 დეკემბრიდამ 1867 წ.)

ბ) აღრჩევა სამღვდელთაგან მხრით ორი წევ-
რისა და სხვა კითხვები ჩვენებისა მებრ ყოვლად სა-
მღვდელთაგან.

1) კრებამ უნდა იხმაროს დიდი სიფრთხილე
სამღვდელთა პირთაგან წევრების აღმორჩევის დროს,
რომ მისგან აღმორჩეულნი პირნი იყვნენ ღირსნი
წევრად ყოფნისა და მთელი სამღვდელთაგან მინ-
დობილებისა არა მხოლოდ თვისი განათლებით, არა-
მედ თავისი ზნეობით და ხასიათითაც (განხ. უწ. სი-
ნოდისა 31 იანვრიდამ და 18 მარტიდამ 1868 წ.)

2) სასწავლებლის სამმართველოს წევრად სა-
მღვდელთაგან მხრით არ აღმორჩევიან ისეთნი პირნი,
რომელნიც თვით სასწავლებელში იმყოფებიან მას-
წავლებლად. (გან. უწ. სინოდისა 13 და 20 დე-
კემბრიდამ 1867 წ. და 16 ოკტომბრიდამ და 1 ნოემბ-
რიდამ 1868 წ.)

*) იხ. „მწეგმისა“ № 31.

3) სასწავლებლის სამმართველონი ემორჩილებიან სემინარიის სამმართველოს და ამიტომ ერთ და იმავე პირს არ შეუძლია იყოს წევრად ორივე ადგილს, ე. ი. სასწავლებლის სამმართველოშიაც და სემინარიისშიაც. (განჩ. უწ. სინოდისა 2 მაისიღვან და 6 ივნისიღვან 1869 წ.)

4) როცა სამღვდელოების მხრით სასწავლებლის სამმართველოს წევრების აღრჩევა გათავდება, ორი მღვდელ მოსამსახურე, რომელთაც წევრად აღრჩეულების შემდეგ უმეტესი კენჭი ამოუთ, ინიშნებიან წევრების კანდიდატებათ, რომელნიც დაიჭერენ მათ ადგილს, თუ წევრები ვადის გათავებამდე სამსახურს თავს დაანებებენ. (განჩ. უწმიდესი სინოდისა 13 და 20 დეკემბრიდამ 1867 წ.)

6) ზამოსული წევრის ადგილს იჭერს, მღვდელ მთავრის დამტკიცებით, უფროსი კანდიდატი, რომელმაც მიიღო მომეტებული კენჭი კრებისაგან. (გან. უწ. სინოდისა 11 მარტიდამ და 4 ივნისიღვან 1863 წ.)

7) სასწავლებლის სამმართველოს წევრებად სამღვდელოების მხრით აღმორჩეულ უნდა იქმნან ისეთი პირნი, რომელნიც სცხოვრებენ თვით იმ ადგილს, სადაც სასწავლებელი იმყოფება, ანუ მის მახლობლად. (განჩინება უწმიდესი სინოდისა 7 და 19 აპრილიდამ 1871 წ. და 21 იანვრიდამ და 17 თებერვლიდამ 1872 წ.)

§ 23) ძრებას არა აქვს უფლება შევიდეს იმ საქმეების განხილვაში, რომელნიც მათ არ შეეხებათ გარდა იმაებისა რომელნიც მოხსენებულნი არიან 22 §-ში. (ცირ. უქაზი უწმიდესი სინოდისა 14 ივლისიღვან 1872 წ., № 39), აგრეთვე არ შეუძლია კრებას განიხილოს ვისიმე მოხსენებანი სასწავლებლის მდგომარეობაზედ სწავლისა და აღზრდის მხრით.

§ 24) ძრებისაგან დადგენილი კითხვების ქურნალები კრების თავს-მჯდომარისაგან წარედგინება საქართველოს ექსარხოსს, რომელიც სდებს ამ ქურ-

ნალებზე შესაფერს განჩინებაებს თავის შემხედვისა მებრ. (23 § წეს.)

თავის შემხედვისა
ზიზლიოთისა

ეს წესდებანი იბეჭდებიან „მწუქმს“-ში იმერეთის ეპისკოპოსის კაბრიელის ბრძანებით იმერეთის ეპარქიის სამღვდელოთა სასჯელმძღვანელოდ.

განჩინება საქართველო-იპარქიის სინოდალნი კანტორისა 24 სექტემბრიდამ და 22 ოქტომბრიდამ და 1886 წელსა.

განჩინებისა ბებრ საქართველო იმერეთის სინოდალნი კანტორისა 24 სექტემბრიდამ და 21 ოქტომბრიდამ ამა 1886 წლისა საქართველოს საექსარხოსოს ერთი ბლადოჩანთაგანი, წინა აღმდეგ არა ერთ გსით მოხდენილის განკარგულებისა სინოდალნის კანტორისაგან, მიცემისათვის კლესთადმი მოწმობისა, რომ გინი არიან მღვდლის შვილნი, რაზედაც საეკლესიო საბუთში არ არის ცნობა, — დაიშტრაფა ათი მანეთით გამოცხადებით ამა დაშტრაფისა გახეთ „მწუქმს“-ში გასაფრთხილებლად სხვა საექსარხოსო სამღვდელოთა პირთა, რომ მათ არ მისცონ შემდეგი ამისთანა მოწმობანი.

მწეველი

1885-1886

მწეველი დამატებით გამოდის თვეში სუთჯერ, ყოველი თვის ათს, ოცს და ოც-და-ათ რიცხვებში.

გ ა ზ ე თ ი ს ო ა ს ი :

ერთი წლის გავზავნი და გუგუზავნულად	5 მან.
ნახევარი წლის	3 —
„მწეველი“ რუსული დამატებით	6 —
ნახევარი წლით	4 —
ცალგე რუსული დამატება წლით	3 —
ნახევარი წლით	2 —

გაზეთის ფულის და ყოველ გვარი წერილების გავზავნა შეიძლება რედაქციაში ამ პირობით: *Во редакцію „Мѣстелі“ (Пастыр).*

ყველა სტატიები და კორესპონდენციები, რომელნიც რედაქციაში იქმნებიან გამოგზავნილი დასაბეჭდავად, უთუოდ ვრცლად და გასაგებად უნდა იყვნენ ავტორთაგან წელ-მოწერილი. ავტორთაგან გამოგზავნილი სტატიები შეიძლება ხან-დის-ხან შემოკლებით და შესწორებით დაიბეჭდონ.

სტატია, რომელნიც არ დაიბეჭდებიან, სამი თვის განმავლობაში შეიძლება ავტორებს მათის ხარჯით უკან-ვე დაებრუნოს.

სტატიები მიიღებიან რუსულ ენაზე და წერილნიც და თარგმნით დაიბეჭდებიან.

ვისაც ჯერჯერ კიდევ „მწეველი“-ს ხელ-შესწერი ფულები არ შემოუტანია, მორჩილად ვსთხოვთ, დაუჩქარონ მისი გამოგზავნა.

ჩვენ მოკმათ სოფლის მღვდელთა და ბლალუჩინთა საეპისკოპოსოსად.

სტატია პარკელი.

რამდენიც უნდა ილაპარაკონ, რამდენიც უნდა საჯონ და აუგონ ჩვენი სამღვდლოება, მაინც ეჭვი არ არის იმაში, რომ მათ შორის მრავალნი მოიპოვებიან იმისთანა პირნიცა, რომელნიც სულით და გულით ხელ-მოკიდებულნი არიან თავიანთ მოვალეობაზე, სულით და გულით ცდილობენ, რომ მტკიცედ აღასრულონ თავის თანამდებობა და რიგინად დამწყსონ და დაიცვან რწმუნებული მათდამი სამწყსონი. არ შეგვიძლია, რასაკვირველია, არ აღვნიშნოთ ისიცა, რომ ამდენ სამღვდლოებაში რამდენიმე არ გამოერიონ სუსტნი და დაუდევრენი, რომელნიცა თავისი მოქმედებით და ყოფაქცევით სახელს უტყვენ დანაშთენ კეთილ მწყემსთა.

მაგრამ ერთი და ორი ამისთანა პირი დანარჩენ კეთილ-მოქმედ მწყემსთა ცერ დაამცირებენ, რომ სხვა უმეტესი არაფერი გვაკლდეს. მზლანდელ დროში სამღვდლოების მისი მოვალეობის რიგინად აღსრულების ხელის შემშლელ და დამბრკოლებელ მიზეზებად მოჰყავსთ ხოლმე ხან დრამის შეკრების დებულება, ხან სამღვდლოების გაუნათლებლობა და ხან რას არ ამბობენ კიდევ, ვინ მოსთვლის...

მართალია, მღვდელი განათლებული უნდა იყოს, არც შიმშილი უნდა აწუხებდეს, მაგრამ ცხოვრება სულ სხვას გვიმტკიცებს. მხედვეთ მღვდლებს, მაღალი სწავლის მექონეა, რომელნიც დიდ ჯამაგირებს იღებენ და მდიდრულად სცხოვრობენ. მხედვეთ საშუალო სწავლის მიმღებთა და ღარიბთაცა, მაგრამ მათ სამსამსახურში არაფითარი განსხვავება არა სიხანს; ხშირად ორი ტალანტის მიმღებს უფრო სარგებლობა მოაქვს ათი ტალანტის მიმღებთან შედარებით. ჩვენ სულ სხვა მიზეზი გვაბრკოლებს, რომელსაც ყურს არ უგდებთ და რომელწევდაც იმდენს არ ვფიქრობთ, რამდენსაც სხვა ქრისტიანეთა აღსარების მწყემსნი ფიქრობენ და დიდ ყურადღებას აქცევენ.

ჩვენ გვაკლია ერთგულობით და ერთ სულობითს მსახურება და მოქმედება ქრისტეს ყანასა შინა.



აზა გვაქვს კარგად გამოკვლეული და გაგებული მწყემსობის იდეა, უმთავრესა მიზანმიმართულად სამსახურისა და ჩვენი მოვალეობის დანიშნულებიანა. წარმოიდგინეთ მრავალნი მუშაკნი, რომელნიც ერთ საქმეზე დამდგარან. თუ ამ მუშაკთა შორის ერთგულობა და ერთსულობა არ სუფევს, თუ მათ უმთავრესი მიზანი თავიანთი მუშაობისა არ შეუგნიათ კარგად, თუ ისინი ერთმანეთს არ უწყობენ ხელს და არ ეხმარებიან, არ შეიძლება მათმა შრომამ ნაყოფი მოიტანოს და საქმე კეთილად დაგვირგვინდეს.

დააკვირდით კარგად დღევანდელს ჩვენს სამღვდლოებას. მათში, მცირე ნაწილი უმაღლეს სწავლა მიღებულია. თითქმის ნახევარს საშუალო სასწავლებლებში აქვს სწავლა დამთავრებული. დანაჩენ სამღვდლო პირებში ზოგს დაბალ კლასებში მიუღიათ სწავლა და ზოგს შინაურულად შეუსწავლიათ საღმრთო წერილი და მიუღიათ მღვდლობის ხარისხი.

მხლა დააკვირდით ჩვენი სამღვდლოების ეხლანდელს სამსახურს და ცხოვრებას. მართი რიგი ჩვენი სამღვდლოებისა სულ ქალაქისკენ მიიწევა. არ კადრულობს სოფელში სამსახურს. ღიდი ჯამაგირის ადგილს ეძებს. ქველზე უმეტესად ცდილობს საერო წოდების სასწავლებლებში საღმრთო სჯულის სწავლების თანამდებობა იშოვოს. თუ ჯამაგირი მიეცა ბლომით, მზად არის ორ-სამ სასწავლებელში დაიკავოს თანამდებობა. იმაზე მაინც-და-მაინც ბევრს არ იზრუნებს, შეიძლება თუ არა ყველგან სწავლებას. არც ზოგიერთი ამ სასწავლებლის უმფროსები შესწუბნებიან, თუ შეგირდთა კარგად არ ეცოდინათ საღმრთო სჯული, რადგან მათის აზრით საღმრთო სჯულის საგნის უცოდინარობა საქმეს დიდათ არ დააბრკოლებს. საღმრთო სჯულის საგნის ცოდნაში ორის ნიშანი რომ მიიღოს მოსწავლემ, შეუძლია შემდეგ კლასში გადვიდეს, თუმცა ეს მოუხერხებელია ბერძნული და ლათინურის ენის შესახებ. ამისთანა მღვდელთა ნიადაგი ფიქრი მასში მდგომარეობს, რომ პენსია დაიმსახურონ, შემდეგ პენსიასთან ჯამაგირიც იღონ, კარგად ჩაიციან და კარგად იცხოვრონ. ამისთანა მღვდლებს თქვენ ვერ დაინახავთ სამღვდლოების რომელიმე შეკრებილებზე. ან კი როგორ იკადრებენ სოფლის მღვდლებთან ერთად სხდომას და საზოგადო საგნებზე მსჯელობას! ისინი ფიქრობენ, რომ ეპარქიის დანაჩენ

სამღვდლოებასთან მათ საქმე არა აქვს და ხშირად სოფლის მღვდელთან ლაპარაკიც კი ეზრუნებათ. ამ მღვდლებს დავიწყებით ის, რომ ისინაც იმავე საქმეს ემსახურებიან, რომელსაც დანაჩენი სხვა სამღვდლოება.

დააკვირდით ვხლა მეორე რიგის მღვდელთა. მსენი მტკიცედ და ბეჯითად ასრულებენ თავიანთ მოვალეობას. თავის დროზე სწირვენ, თავის დროზე ლოცულობენ, ქადაგებასაც წარმოთქმენ ხალხმე ხანდის-ხან, ეკლესია სუფთად აქვს ყოველთვის დატულები და კეთილად შემკობილი. მღვდელ მოქმედებას დაუზარებლად უსრულებენ თავიანთ სამწყსოთა, სკოტრებენ კეთილად და მშვიდობიანად. ბარემე თავის ეკლესიისა და სამრევლოისა არავინი ჯავრი არა აქვს. თავიანთ მოქმეთა ჭირი და განსაცდელი მათ სრულებით არ აწუხებს. ხშირად თავიანთ მოძმეთა უბედურებაში მონაწილეობის მიღებისა და ძნური თანაგრძნობის გამოჩენისა წილ, მანს უგებენ და ნაცვლად შემწეობისა ხელს უშლიან მათ. ამთაც დავიწყებით ის, რომ ყველანი ერთ საქმეს ემსახურებიან და ყოველი ცუდი საქციელი თავის მოქმისა მისი კეთილი სახელის დამამდაბლებელი და მისი გავლენის დამამცირებელია ხალხის თვალში.

მესამე რიგის მღვდელთა თავის დანიშნულებათ მარტო ის მიჩნიათ, რომ შაბათ-კვირას და დღესასწაულ დღეებში სწირონ და ილოცონ და სხვა-და-სხვა მღვდელ მოქმედება შეუსრულონ სამწყსოთა. ამ მოვალეობას თუ ასრულებენ იგინი, გულ-დამშვიდებით დარწმუნებულნი არიან, რომ თავის მოვალეობას მტკიცედ ასრულებენ და აღუსრულებელი მათ არაფერი არა რჩებათ!...

ასე ყველას თითქმის თავისებურად გვესმის ჩვენი მოვალეობა და შრომა, ყველანი ასე განცალკევებულად ვშრომობთ და ვიღვწვით. მართა ერთმანეთს ხელს არ უწყობთ და არ ვეხმარებით გაჭირების დროს. არ უსწორებთ ერთმანეთს შეცდომას და, სამწუხაროდ, ჩვენს ერთსა და იმავე სამსახურში არ ვიჩენთ ერთ სულობას და ერთ გულობას. აი ეს გვაბრკოლებს ჩვენ უმეტესად ყოვლისა. ჩვენი დაბრკოლება არ შეუძლია იმდენად სიღარიბეს და უსწავლელობას, რამდენათაც ესენი გვაბრკოლებენ და ხელს გვიშლიან...

ქველას უნდა გვახსოვდეს, რომ ჩვენ ვემსახურებით ერთსა და იმავე ღვთის საქმეს. ქველანი ერთ-

თი ერთმანეთს უნდა ვეხმარებოდეთ; გაჭირებაში მოძძმეთა ხელს უწყობდეთ, უცოდინართა ვარიკებდეთ, მშრომელთა და კეთილ-მუშაკთა თანავარძობას უცხადებდეთ და ვამხნევებდეთ. არ არის საჭირო ერთი-ერთმანეთის ნახვა, გაცნობა და დამეგობრება. მადლობა ლმერთს, ღღეს ჩენა გვაქვს ისეთი საშუალება, რომლითაც ჩვენ დაშორებულ მოძძმეთა ჭირსა და ლხინსა ვტყობილობთ. რაღა ამაზე უკეთესი, მაგრამ ყველანი ვსარგებლობთ ამისთანა საშუალებით? ძლიერ მცირე.

მიზეზი ამისა ვახლავსთ ჩვენი დაუდევრელობა, ჩვენი გულ-გრილობა და ჩვენი ნიღდაგი ზრუნვა, რომ მარტო ჩვენ ვიყოთ კარგად და ჩვენ ვიცხოვროთ კეთილად. არ ვზრუნავთ იმაზე, რომ მოვიპოვოთ და შევიძინოთ ის, რაც აღამაღლებს ჩვენს გონებას, ჩვენს სახელს და ჩვენს გავლენას სამწყსოთა შორის. ამისათვის ვკარგავთ კიდევ ხალხის თვალში იმ მაღალ მნიშვნელობას და გავლენას, რომლითაც ასე შემკულნი ივენენ ძველნი სამღვდელონი. მართალია, ეხლანდელი სამღვდელოების მდგომარეობა დიდათ გაწიჩვეა ძველი დროის სამღვდელოების მდგომარეობისაგან, მაგრამ მაინც ბევრია თვითონ ჩვენზე დამოკიდებული. მაინც მრავალს შემთხვევაში ვიჩენთ ჩვენ სისუსტეს და გულ-გრილობას, რომელსაც ჩვენ-თვინვე მოაქვს ცუდი ნაყოფი.

მღ. დ. დამბაშიძე.

გერის-ხმობილამ (გორის მაზრა).

ღღე—12 ოქტომბრისა—შესანიშნავ ღღელ უნდა ჩაითვალოს და ჩაიწყროს ჩვენის ხეობის მათიანეში. ამ ღღემ დაგვიმტკიცა პირველად ის, რომ განათლების შუქი, ცოტად მაინც, მოეფინა ოსების მღვიმე—ღღელებსაც და მეორედ გვიჩვენა ის, თუ რაოდენი სარგებლობა შეუქლიანთ მოუტანონ თვის ერს, თვის საყვარელ სამშობლოს მის დაწინაურებულთა შვილთა, რომელთაც სწავლა მიუღიათ და თავის მოძძმეთა შორის მოუპოვებიათ გავლენა.

ზემოხსენებულს რიცხვს სოფ. გერში შეიკრიბნენ მთლად ორი სამრევლოის მცხოვრებნი: ჭერივისა და ორტყვისა. მათ ჰქონდათ გადასაწყვეტად ორი

შესანიშნავი კითხვა იწადის და ხანსაგების მოსპობაზე. ამ კითხვებს ვეძახი შესანიშნავს იმიტომ, რომ წარმოდგენილი მაქვს, თუ რამოდენად ღუპავენ ეს ჩვეულებანი ოსთა კეთილ-ღღეობას. ამ ორ კითხვაზე ხალხი ცოტაოდნად ჩაუვიქრდა, რადგანაც იგი უნდა გამოსალმებულიყო ამ ჩვეულებათა, რომელთაც აგრე მაგრად ჩანებრგეს თვისი ფესვები ხალხის გონებაში, ასე რომ ეს ორი ჩვეულება ითვლებოდა სამღთოდ. საქმის მეთაურნი და მწარმოებელნი ვახლდნენ: პრაპორშიკი ბატ. ბეგა შოქოვეი და მისი შვილი, — პატივცემული მღვ. მ. ბრიგორი შოქოვეი. მათი შემწეობით ხალხმა მოისახრა ამ ჩვეულებათა მანებლობა და თანხმობა გამოაცხადა შემდეგ მუხლებზე:

1) ირადში წინანდელ ოც-და-ათ ძროხის და შვიდ თუმან ფულის (სულ 500 მანათამდე) მაგივრად მისცენ ხოლმე ამიერიდამ მხოლოდ ერთი ხარი და ერთი ძროხა (25 მანათამდე) და ოთხ თუმანისა კიდევ სასიძომ საცოლოს ტანისამოსი უყიდოს. ნიშანი სისიძოს მართებს მისცეს საცოლოს სახლობას ერთი მანეთი, ან ერთი მანეთის ღირებული ნივთი. მოისპოს ხშირი ზღენის მიტანა.

2) წინანდელი ჩვეულებით მიცვალებულის დამარხვა და ხარჯები (ხაჩანაგა, ხისდები) ოსს უჯღებოდა 500-1000 მანათამდე, მხოლოდ ამიერიდამ ეს ხარჯები შემცირდეს 80-100 მანათამდე. ამ ორ მუხლის უარის მყოფელმა და დამრღვევმა გარდინხალოს ჯარიმა 50 მანეთი...

ზარდა ამისა აქვე გარდასწყვიტეს: მოაგროვონ კომლზე თითო აბაზი და ვანათის სკოლასთან გამართონ ბინა იმ შეგირდებისათვის, რომელნიც შორსა დგანან და თავის დროზე მოსვლა სკოლაში უძნელდებათ. შევლა ამაზე შესდგა განაჩენი და ხელიც მოაწერეს...

სიხარულით ვეგებებით ამ საქმეს; ლმერთმა კეთილად დააგვირგვინოს! ღღე, ამ ჭაკტმა დაუმტკიცოს წინააღმდეგი იმ quasi ერის კეთილის მოსურნეთა, რომელთაც ჰგონიათ, რომ ოსთა შორის ჯერ არაფერი კეთილას საქმის დაწყება არ შეიძლებაო... მაშ გაუმარჯოს კეთილ საქმეს! გაუმარჯოს მის მეთაურებს“...

პრაპორშიკმა ბატ. ბეგა შოქოვემა, რომელსაც დიდი ხანია მოუპოვებია მთელ გორის მაზრის ოსთა შორის ნღობა და სიყვარული სთხოვა ჯავის ხე-



ბის მამასახლისს, რომ მან ჩააგონოს ხალხს, რათა მან შეასრულოს თავის განაჩენი და მამასახლისმაც იმედი აღუთქვა... ლმერთმა ჰქნას!....

გოარგი ღიასკელი—ჩ.



ზ უ ზ დ ი დ ის მ ა ზ რ ი დ ა მ .

მკთომბრის მ ჩემს სამრევლოში ერთ გლეხს მეუღლე გარდაეცვალა. ზარდაცვალების დროს დაესწრენ დედა და დამიცვალებულისა. როცა საბრალო ქალმა სული განუტყვეა, და და დედა მოშორდენ თავის სიძის სახლს და ახლო მეზობლიას შევიდნენ და მათ მწუხარება სრულებით არ ეტყობოდათ, თუმცა სხვა მონათესავენი დიდს მწუხარებაში იყენენ. ზარდაცვალების დღე იყო სუთშაბათი. ამ დღადგან პარასკევს საღამომდის მიცვალებულის დედას და დას ისე ეჭირათ თავი, რომ კაცო მათ მწუხარებას ვერ შეამჩნევდა. პარასკევს საღამოდამ დედამ და დამ მორთეს საზარელი ტირილი და დიდს მწუხარებას მიეცნენ. ბოლოს როგორც დედამ და დამ, ისე მახლობელმა ნათესავეებმა შავის მაგიერ, ჩარცვეს თეთრი პირტკლის ტანთ-საცმელი. ამ გარემოებამ ძრიელ გამაკვირვა მე და ამიტომ გამოვკითხე მიცვალებულის დედას მიზეზი, რომლის გამო ის არ სტიროდა და არ სწუხდა თავის შეილზე პარასკევს საღამომდის და ან ეხლა რათ ჩაიცვა თეთრი ტანთ-საცმელი, როდესაც მიცვალებულზე მონათესავენი შავ ტანთ-საცმელს იცმენ? ამასზე მიცვალებულის დედამ მიპასუხა შემდეგი: ჩვენი მწუხარების მოთმენის მიზეზი იყო ზეციური ბრალა, (ყინოში ბრალი) წყრამა. პარასკევს საღამომდის რომ გვეტირა მიცვალებული, ჩვენ გაგვირისხდებოდა ზეცური ქუხილი და მებისაგან ყველანი დავიხოცებოდით. ამიტომ მოვითმინეთ ჩვენ ტირილი და მწუხარება. შავის მაგიერ თეთრი ტანთ-საცმელი ჩავიცვიოთ მისთვის, რომ ქუხილის, ელვის და მებისაგან არ დავიხოცოთ. შოველს წელიწადს ზეციური ბრალას ლოცვა გვმართებს. დანიშნულს დღეს უნდა შევსწიროთ ზეციურ ბრალს კარგი თეთრი ძროხა, თეთრი ცხვარი და თეთრი თხა. შეწირვია წინად უნდა მოვნახოთ მაღალი ადგილი, მასზედ უნდა დავსოთ ოთხი მაღალი სარი, ზედ

წელისაგან გაკეთებული ჩელტი უნდა დავდეთ და ამ ჩელტზედ თეთრი მიტკალი უნდა გადავაფაროთ. ამ პირტკალზედ შეწირული ცხოველების ხორცი უნდა დავალაგოთ. მეჩე უნდა აუნთოთ წმინდა სანთლები. შემდეგ ყველა მამაკაცთ უნდა დაიხოქონ და უნდა შევედრონ ზეციურს ბრალს, ზენა დიდებულს (ენა დიდებულად უწოდებენ ქუხილს, ელვას და მებს). როცა ლოცვას გაათავებენ, — შეწირული ხორცის შექმა უნდა გაათავონ იმ მაღალ ადგილს. ეს იმიტომ, რომ ამ მაღალ ადგილებში უფრო საშიშროა მებისა.

ამ მოთხრობამ მე ძლიერ გამაკვირვა და დამარწმუნა იმაში, რომ ზოგიერთ სამრევლოებში ხალხი მტკიცედ ასრულებს ზოგიერთ კერპთაყვანის მცემლობას და კაცი არ არის, რომ ხალხი დაიხსნას ამ უმეცრებიდგან. პირველად ეს ჩვენი მოვალეობა არის, რომ გავაგებოთ ჩვენ სამწყსოს, რომ ქუხილი, ელვა და მები არის ბუნების მოვლენანი და მათი თაყვანის ცემა და მსხვერპლის შეწირვა წინააღმდეგია ღვთის მცნებისა.

მღვ. ბათლომე იოანეა.



კ მ ნ ს ტ ა ნ ტ ი ნ მ კ მ ლ ი დ ა მ .

ხამს, რომ მამა მისა სკედრი, მოვიითხას არ გააგდოს, მისი მწარე ბედთა ჰერკობა მანც იკისროს, არ დააგდოს, რაც რომ სკლათ ძალა ეპუქას, განიპუქას და განიცადოს ქქონდესთ რამე, ან იშოკონს, ერთმანეთსა უწილადონ. თუმც რომ ერთი იმთგანი მტეკსა ეპუქას დასასკეკლად, რა გინდა ავი საქმეც იყოს და საქნეაფც ძრკეაქ მნეკლად, ხამს, რომ მოამქს არ კმინოს სცდიდაქ მისდა დასახსნეკლად, და არც თავი მისდა დასხნად დაიხოგოს დასაწეკლად.

მ. რედაქტორო, ჩემს მოვალეობად ვრაცხ, როგორც სიმართლის აღდგინების მოსურნე, რომ თქვენი პატივცემული გაზეთის „მწყემსი“-ს საშუალებით შევატყობიო მკითხველ საზოგადოებას ის, თუ როგორ უკიდურეს მდგომარეობაში არიან ჩავარდნილნი წმიდა ათონის ივერიის მონასტერში მცოცრები ქართველთ ბერები ბერძენთ ბერებისაგან.




ვგონებ საბერძნეთის მეფის ივლიანე ბანდევლის დროის შემდეგ აწმყო საუკუნემდის არ ყოფილა ისეთი ცული დამოკიდებულება ამ მთა წმიდის ივერიის მონასტრის ბერძენთ და ქართველთ ბერებ შორის, როგორსაც დღეს ვხედავთ. ძაი ხანია, რაც მე საქართველოდამ გამოვემგზავრე წმიდა ადგილების თაყვანის საცემლად. პირველად მოვიწადინე ათონის მთაზე მისვლა და ივერიის მონასტრის დათვალიერება და ყოველად წმიდა ლეთის მშობლის საკვირველ მომქმედი ხატის თაყვანის ცემა. ლეთის შეწვენით მივედი ათონის მთაზე; მაგრამ ჩემი სურვილი ისე არ ამისრულდა, როგორც მწადდა: ამ მონასტრის ბერძენთ ბერები ძალიან ურიგოდ და გულ ცივად მომეპყრნენ. მეორე დღეს ილია წინასწარმეტყველის დღესასწაული იყო, ამიტომ მე მოვიწადინე ამ დღესასწაულზე დასწრება და გავემგზავრე მეორე ადგილას, სადაც დღესასწაულობენ ამ დღეს და სადაც სცხოვრობს ღრმათ მოხუცებული სამი ქართველი ბერი. მათ დიდის სიამაჲნებით მიმიღეს. დღესასწაულზე დავესწარი და დიდი პატივის ცემა მივიღე ამ ბერებისაგან. ამ ბერებს უამბე, თუ როგორ ცულად მომეპყრენ მონასტერში ბერძენთ ბერები. ამაზე მათ მიპასუხეს, რომ მათაც ძალიან ცულად ეპყობიან მონასტრის ბერძენთ ბერები. მათ მიაბეს, რომ იმთაც ძვირად უშვებენ მონასტერში და ერთ ამ ბერთაგანს, სქემონაზონს ზრიგორის (რატინია გვარად) სრულებით აღკრძალული აქვს მონასტერში ჩასვლა. მათ თურმე სრულებით ყურადღებას არ აქცევენ ბერძენთ ბერები და კიდევ მეცადინობენ, რომ ისინი გამოაძეონ იქიდან. ამ ქართველ ბერებს არ აძლევენ ბერძენთ ბერები ნებას, რომ მათ მორჩილი იყოლიონ, რასაკვირველია, იმ აზრით, რომ როცა ისინი დაიხორცებიან, მათი სავანეც თვითონ ჩაიგდონ ხელში. ამ ღრმათ მოხუცებულ სამ ბერთაგან ერთი ოთხმოცის წლისა არის იმერეთის ეპისკოპოსის ძმა ბესარიონ სქემონაზონი (ჭიქოძე), მეორე სამოცდა ხუთი წლისა არის, ისიც ბაენათის მონასტრის არქიმანდრიტის ბესარიონის ძმა შრისტეფორე (ახვლედიანი), რომელიც ითვლება ახალი ივერიის იოანე ლეთის-მეტყველის სავანის მოძღვრად. მესამე სქემონაზონი ზრიგორი (რატინი), რომელიც სამოცი წლისა არის. ამ უკანასკნელს კიდევ შეუძლია მცირე ოდენი მოძრაობა, მაგრამ რომელ ერთს ემსახუროს. მათმა უნუგეშო მდგომარეობამ მეტად შემაწუხა.

სავანე, სადაც ეს სამი ბერი სცხოვრობს, აშენებულია ათონის მონასტრის მახლობლად წმიდა იოანე და მქეთიმე მთაწმიდელების თაგობით და მთელი საქართველოს ხალხის ღვაწლით და შემწეობით. პერ წარმოიდგენს კაცი, თუ ვის საკუთრებას და უკვდავ საუნჯეს ვინ ეპატრონება დღეს და მასთან რა უკადრისად ექცევიან ბერძენთ ბერები ქართველ ბერებს და მონასტრის სანახავად და წმიდა ადგილების თაყვანის საცემად ყველა მოსულ პირთ, განსაკუთრებით ქართველებს.

ჩემის აზრით ურიგო არ იქნება, რომ ქართველმა ერმა ყურადღება მიაკციოს ამ მთაზე მცხოვრებ ქართველ ბერებს, რომელნიც უყურადღებოდ არიან მიტოვებულნი და მასთან უსამართლოდ იჩაგრებიან ბერძენთ ბერებისაგან. ბანა ურიგო იქნება, რომ ქართველ ბერებს ამ მთაზე დაუბრუნდესთ თავიანთი კუთვნილება ბერძენთ ბერებისაგან და ან ასე ურავოდ არ ექცეოდნენ ისინი ქართველთ ბერებს და ლუკმა პურის შოვის საშუალებას არ უსპობდნენ უკანასკნელთ?

მთელი მონასტრის შემოსავალი ხელთ უგდიათ მარტო ბერძენ ბერებს და ქართველ ბერებს მონაწილეობას არ აძლევენ. ამ სახით, რასაკვირველია, ბერძენთ ბერებს შეუძლიათ დაამცირონ ქართველთ ბერების სავანე, რომელშიაც დღეს სცხოვრებენ ორმოცდა ხუთი ქართველთ ბერები. ეს ასეც მოხდება, თუ საქართველოს ერი რამე შემწეობას არ აღმოუწენს ათონის მთაზე მცხოვრებ ქართველ ბერებს. ნამდვილია, რომ ქართველთ ბერების დამცირება ნიშნავს მთელი საქართველოს ერის დამცირებას.


ბასაოცარია ბერძენთ ბერების აგეთი მოქმედება! რათ უშლიან ქართველთ ბერებს მონასტერში შესვლას და ან ათონის მთაზედ მოსულ ქართველებს რად ეპყობიან ურიგოდ? რათ უშლიან, მაგალითად, სქემონაზონს ზრიგორის (რატინას) მონასტერში შესვლას და ლეთის მშობლის ხატის თაყვანისცემას? ვის რას აენებს ეს? გასაოცარია ბერძენთ ბერების ამ გვარი მოქმედება, მითუმეტეს, რომ საქართველოში დიდის პატივით არიან მიღებული ბერძენთ არქიმანდრიტები, რომელნიც საქართველოში ქრისტეს საფლავის ადგილმამულებს განაგებენ. ბანა ურიგო იქნება, რომ ამ არქიმანდრიტებმა მაინც მისწერონ წერილი თავიანთ მოძმეებს, რომ ათონის მთაზე მცხოვრებ ქართველთ ბერებს ასე უაჯავოდ არ ექცეოდნენ ისინი და მონასტრის ხვედრი შემოსავალი კანონიერად გაუნაწილონ ქართველთ ბერებსაც?



მართი სიტყვით ენით ვერ გამოსთქვამს კაცი, თუ რა ბარბაროსულად ეპყრობიან აქ ქართველ ბერებს, რომელნიც სცხოვრებენ აქ ახალ ივერიის სავანეში და როგორ მეცადინობენ ბერძნები ათონის მთილამ მათ გაძევებას. სხვაც ბევრა რამ ვნახე აქ ჩემი თვალთ, მაგრამ ყველას აწერა შორს წაგვიყვანს და არც შეიძლება.

შემდეგ წავედი ახალი ივერიის სავანეში. აქ წინა ღამეს ღამისთევა ყოფილიყო ღვთის მშობლის ხატის პატივ საცემლად. ეს ხატი თავის ხარჯით გაუყვებია ოც მონასტერს საყოველთაო სამსჯავროში (ლონჯა) დასასვენებლად. ბოლოს ამ მონასტრის ბერებს მოხვლიათ რაღაც განსეთქილება ერთმანეთში და ეს ხატი ლატარიაში ჩაუგდიათ; ხატი რგებია ქართველ ბერებს. ეს ხატი მთლად ვერცხლით არის შეჭედილი და ზედ ასეა ოცი მონასტრის ბეჭედი. ხატის ლატარიაში ჩაგდებამ უფრო გამაკვირეა და ცუდი აზრი დაბადა ჩემში ჩემს თანა მოძმეებზე. მე თუმცა ბერძენი ვარ, მაგრამ არ შემიძლია დემალო ის ცუდი საქციელი ჩვენებური ბერებისა, რომელთაც შევნიშნე მათში ათონის მთაზე ჩემი მყოფობის დროს. მაცხადებ მათ ურიგო საქციელს იმიტომ, რომ ეგებ გასწორდნენ და ქართველთ ბერებისაგან ისწავლონ კაცთ მოყვარობა და ზრდილობიანი მოქცევა.

მ. ა—დი.



ქართული საეპისკოპოსო ენქერტი ტულაში.

„მოსკოვის სამხუროტომო არქეოლოგიურმა საზოგადოებამ» ჩვენი ისტორიკოსი, პატივცემული დ. ზ. ბაქრაძე ამოიწმინა თავის წევრად და ამასთანავე გამოუგზავნა თავის მიერ გამოცემულნი შრომანი „Древности“, რომელთა შორის მე XI ტომის პირველ წიგნში მოჭედილია ქართულის ენქერტის სურათი და მისი აღწერილობა.

სსკენებულს წიგნში არის ვრცელი წერილი „Церковно-археологические памятники, хранящиеся в ризницѣ Тульскаго архіерейскаго дома“ — ტროიციისა. აი ამ წერილშია აღწერა ქართულის ენქერტისა, რომლის გასაცნად მშვენიერი სურათი ჩართულია წიგნის

ბოლოში და ქვეშ აწერია „Грузинская археологическая палица XVII вѣка“.

ეს ენქერტი მოქსოვილია მოშავ-მოყვითლო ფარხეულისაგან და გაკრულია ძრეულ თხელ ატლასზე. იგი არის სწორე ოთხკუთხედი, რომლის ყოველი მხარე უდრის 9³/₄ ცოჯსა. მისი შირი დაქსოვილია გრესილ ოქრომკედით, ვერცხლით და მრავალფერ აბრეშუმეულის ძაფით. საშირებზე აკრია ოქრომკედის ფონა და კუთხეებში-გი აქვს გაკეთებული ბურთები; გარეშემო საშირებზე წყვანლია განიერი არშია, რომელსედაც არის ქართული და ბერძნული წარწეკა. არშიას შიგნით არის სიმბოლიურნი გომსატულებანი, დაყოფილნი დასდასად და ღომწყვადეულნი ფიგურებში. ფიგურათა რიცხვი არის სამა.

პირველი ფიგურა ენქერტის შუა გულშია. იგი არის სწორე სფერა, (КРУГЪ) გარ შემოტყუმული მინიასი ფერ არშიით. ამ სფერის ბოლოში ჩაკერილია ვაჩა, რომელიც იყოფება სამ ტოტად. ეს ტოტინაც აბრეტე იყოფებთან რამდენსამე წვრილ ტოტეათ. ამ ტოტებისაგან დახეულა 12 რგოლი. სფერის შუა გულში ჩაქსოვილია სახე იესო ქრისტესი ვერცხლისა და აბრეშუმის ძაფით. სსკენებულს 12 რგოლში გი ამნიარადვე ჩაქსოვილია სახენი 12-თა მოციქულთა. ყოველ რგოლში მოციქულს გვერდით ყომრალის ძაფით ვასარჩქასეუდ გამოყვანილია მტევანი და ფოთოლი. ამ ნაქსოვთა და გამოხატულებათა აზრი არის: მოხარულობა ანუ არშია სფერისა ქნიშნავს ქვეყნის სივრცის დასასრულს (საზღვარს), სფერის (ქვეყნის) სივრცეზედ გამოცხადდა ქრისტე, რომელმაც თავისთავზედ ბრძანა: მე ვარ ვენახი ქვიმბარტი. ქრისტემ თითონვე დაადგინა ზეარება თავისს სისხლით და სოცრით სასითა ღვინისა და ჰურისა. ამ საიდუმლოების მაზარებულნი შეიქმნენ პირველად მოციქულნი და ამიტომაც იგინი მოციქულნი ვასანგან გაკეთებულს ერთეულს შინობაში (რგოლებში). ქრისტეს სიტყვების მსხვედვისამებრ ყოველ რგოლში მოციქულებთან ერთად გამოყვანილია თითო მტევანი და თითო ფოთოლი. აი იგი სიტყვები უფლისა: მამა ჩემი მომქმედი (მეყენსე) არს. ყოველმან რტომან რომელი ჩემთანა არს და არა მოიღოს ნაყოფი, აღლოს იგი; და ყოველმან, რომელმან მოიღოს ნაყოფი, განწმიდოს იგი, რათა უფროსი ნაყოფი გამოიღოს... მე ვარ ვენახი და თქვენ რტონი (სახ. იოან. თ. 15, მ. 1, 2, 5).



გაზს, თავის აუკავებულის რტობით და მტკენე-
ბით, გაუგისა სიყვარ. ეს ჭნიშნავს, რომ სიყვარტანთა
და სამოციქულო ეკლესიას გავრცეულდა მთელს 'ოფ-
ლითში.

მეორე ფიგურა არის ოთხ-გუთსედი, ჩახაზული
სიყვარს გარეშემო ასე, რომ იგი სიყვარ მატრო ოთხს
წერტილში მიესლება ოთხ-გუთსედის მხარეებს; თავ-
ბოლოში ოთხივე მხრივ თავისუფლად წიხიან გუთსე-
ნი. შემოთა მარცხენა გუთსეში გამოყვანილია სახე ერთ
თავიან აწვივისა, გაშლილის ფრთებით, მარჯვენა გუთ-
სეში—სახე გაცისა, მხრებზე ასისა ფრთები; ხელში
უჭერსა წიგნი; ქვემოთა მარცხენა გუთსეში სახე ლომი-
სა, გაშლილის ფრთებით, კლანჭებში უკავია წიგნი;
მარჯვენა გუთსეში—სახე ხბოსა გაშლილის ფრთებით,
ფეხებში უჭირავს წიგნი. ესენი არიან სიმბოლოური გა-
მოსახულებანი ოთხთა მხარებულთა. ოთხ გუთსედის
სახე ჭნიშნავს ქვეყნის ოთხს მხარეს, სადაც გავრცელ-
და ქრისტიანობა. აწვივის გამოსატულობა ჭნიშნავს მ-
ხარებულს იოანეს, გაცისა—მასარ. მითეს, ლომსა—
მას. მარკოზს და ხბოსა—მას. ლუკას.

მესამე ფიგურა არის ჯვარი. იგი შესდგება ბე-
ზად—თან სწორ მანძილზედ გატაცებულ ხაზებისაგან,
რომელიც სხენებულ ოთხ-გუთსედის ნაპირებითგან იწ-
ყობა და მიდის ფარხის განაზარა აწშიამდე. ასე რომ
ერთის შესდევით გაცს ჭტონია, თითქმ მთელი სიყვარ
და იგი ოთხ-გუთსედი ამ ჯვარს ზედ ადევსო. ჯვარის
ქვემო მხარეს ხაზებს შორის გამოყვანილია ადგომი-
ლის ქრისტეს სახე, რომელსაც უფალი მაცრიქულებსა და
უწმუნთ თომას დაკეტილს ოთხსში გამოცხდა. ჯვარის
ზემო მხარეს ნახატია ამაღლება ქრისტესა. ჯვარის შუა
წილში, მის მარჯვენა ფრთაში, დახატულია მოსე,
მარცხენაში ვა ილია, რომელიც ატაცებულა ცისაკენ
ცეცხლის ეტლით. მოსეს მხარეს, გარდა ამ წინასწარ-
მეტყველისა, კიდევ მოჩანს მთა ნაჯვი ორის მწვერვა-
ლით. მთაზედ მოთხრილია საფლავი, სადაც ნახევრადის
ჩაშვებულა მოსე. მის ფეხსით დგას ვინმე ურმა ნი-
ბითა, თავით ვი გაცი, რომელსაც გულზედ ჯვარდი-
ნად გადაუწვივა მკლავები და ეკედრება დიქრთსა. იგინი
არის ძენი ისრაელისანი და მოსეს დასტარისანი. აქვე
დევს წიგნი. მთის მწვერვალზედ არის სხვა სურათა, აქ
მოსე გარემოცულია შუქითა და ანგელსებით. სიმბო-
ლოური მნიშვნელობა ამ უკანასკნელას სურათისა ეთან-
ხება იმ თქმულებას, რომელიც დაშთილია ძველთაგან,
რომ მოსე დასაფლავების შემდეგ ადგენილ და ატა-
ცებულ იქმნა ცად (ფლავიანე). საზოგადოდ, ჯვარი

და მასზედ მეორენი გამოსატულებანი ჭნიშნავს, რომ
ეკლესიას ქრისტესი დაშვიდრებულია ჯვარზედა და
ქსუფეგს მის განუსაზღვრელ ძალითა...

ჯვარს გარემო, მის ეკლეს მხრებს უფარ გამოსახული რვა
ძმრ ექვს ფრთიანი ქვარბიანი, რომელიც აღნიშნავს ცას.
ამ გაცს ატულუბას ის არის აქვს, რომ ქრისტეს ჯვარს
ფეცთა მის ასა შეუერთების ქვეითა ეკლესიასთან.

ენქერის მისელებში, შიგ არშიაში, ჩართულია გა-
მოსატულებანი: მარჯვენაში—ღვთის-მშობლისა, მარჯ-
ვენაში—იოანე წინამორს, მარჯვენაში—იოანე წინამორს,
შემოთში მარცხენისა (ამაღ-ქვემოთში სურათისა,
და ღვთისა და წინა-მორბედი მს. ბენ მაცხვარს,
სული აღმუჭრით შემოთკენ და ლოცვის მაცხვარს,
ის არის გამოდის, რომ ძველისა და ახალის. აქედან
წმიდანნი მუამაულობენ ეკლესიისათვის... აღქმითა

ენქერზედ მეორე ეკლეს გამოსახულებათა ა
მოკლედ გამოთქმის: გაზი აღნიშნავს საიდუმლო რი-
არებებს; სატი მხარებულთა—სახარების ძლიერ-მო-
სილ ჭემმარიტებებს; ჯვარი—მტკიცე სიყვარულს
ქრისტისანეთა; სატნი ქვარბითა, ღვთის-მშობლისა და
წინა-მორბედისა—ლოცვის ძალას.

ეკლეს ამ გვარ სათნობით, ამ გვარ სასულიერო
ფარ-სმლით აღაჭურვება ეოკლეა ეზისკომოსი, მტკიც-
თველი და შემოსილი ქართველთა სხენებულას სიმბო-
ლოურ ენქერითა.

ახლა გავაჩნით ზედ წარწერანი.
ენქერის ოთხის მხრის მისეღვით მთელი წარწე-
რაც იყოფება ოთხ სტრუქონად, რომელიც ჩაწერილია
აწშიაში. სამ მხარეს აწერა ბერძნულის ასო-მთავრე-
ლით, ერთ მხარეს ვი ქართულ ხელ-ჩართულით.

ბერძნული ჩაწერა ასე ითარგმნება: „შეისხ მახვი-
ლი შენი წელთა შენთა, ძლიერო, შვენიერები-
თა შენითა და სიკეთითა შენითა; და გარდაიცვი
და წარემართე, და სუთევიდი ჭემმარიტებისათვის.
(ფსალმ. 44, ვ. 3—4).—ამ ლოცვას ჭვითხულობენ
ხალმე მამინ, რომელსაც ეზისკომოსი იმოსავს ენქერსა.

ქართული წარწერა: „ჩვენ მეუემან გიორგი და
დედოფალმან თამარ შვეამზადებინეთ ენქერი ესე
მოსახსენებელად სულთა ჩვენთა. ამინ.“

როგორც ატორი შემო აღნიშნულის წიგლისა
მოგვიტოვებს, ბ-ნს ცავატელს ეს ქართული წარწერა

საქართველოს
საბჭოთაო რევოლუციური
პარტიის

ახალი ამბები და შენიშვნები.

მიუგუთვნებია გიორგი X-ისა *) (1600—1605) და მის მეუღლის თამარისათვის. ამ მეფეს უფრო იმიტომ მიაწერს ბ.ნი ცაგარელი, რომ მას ჰქონდა მიწერ მოწერა რუსეთის სელმწიფესთან და ამასთანავე მოწადინებულ იყო ასული თვისი ელენე მიეთხოვებინა ეფეს ბიზანტიის გოდუნოვას ძისათვის. აღბათა, დასუს ბ.ნი ტროიცი, ამ დროს იგი ენქერი ქართული მეფე გიორგი X-მ გამოგზავნა მოსკოვს და გადატანილ იქმნა ტულის არქივის სახელით...

იგივე ავტორი ამბობს, რომ ამ ენქერს ვაძღვრავთ იგივე სახელდობრ სუტინის ვაძღვრავთ აჩის სხვა ენქერს. ეს ენქერიც ამის მონასტრისაა, როგორც პირველი, იმნაინისავე სრულიად ერთნაირი და ნაწერებით, როგორც აჩის აღწერის ენქერზედა.

პეტრეცემულმა დ. ზ. ბაქრაძემ, ამ ენქერის სურათის გაშინჯვის დროს, სთქვა, რომ ამ გვართ, აზრით, ხავე, სატებათა ჰქსოვდენ სოღმე ქაღები დიდის გვარისანი და მეფეთა და ბატონიშვილთა ასულნი.

ჩვენის მხრით დაუმატებთ, რომ აჩა ერთი და იგივე ამ გვართ და, ვინ იცის, ამასედაც უძვირფასესნი ნივთნი დაგვკარგვიან, — ნივთნი იქნად შესანიშნავნი ქართველთა ძველის ხელოვნების და მხატვრობის შესამუშევრებლად.

მისი მძალე ყოველად უსამღველოესობა საქართველოს ექსარხოსი ზაქარე, ტფილისის სიონის ტაძრის ერთ-ერთ სადგურში აჩისებს მუხეუმს ძველ ნივთებისათვის. ამ მუხეუმის გამოკვლევას და სელმძღვანელობას, როგორც ჩვენ შეეიტყუთ, ახარებს ბ.ნი დ. ზ. ბაქრაძეს. იმედია, ამის შემდეგ მაინც ყოველგვარნი საჭირო და საუფრადებო ნივთნი ისრე ადარ განიხივიან და წარიტაცებინ, როგორც აქამდე... დემეტრე ჰქმნას, რომ კეთილი აზრი მუხეუმის დაჩისების შესახებ მალე სისრულეში მოსუდიყოს. (,ივერია“).

მოსწავლეთა შორის შუთაისში არის ძლიერ გავცელებული წითელა და ხველა; მაგრამ მადლდება ლმერთს, რომ ჯერ ამ ავთ-მყოფობით არაინ მომკედარა.

ჩვენ ნამდვილად შევიტყვეთ, რომ სამეგრელოს სამღვდლოების შეკრებულება სასულიერო სასწავლებლის საქმეების შესახებ დანიშნულია 25 ამათთვის.

ბელათის მონასტრის მღვდელ-მონაწილის ამბერკისაგან ჩვენ მივიღეთ 61 მან. შემდეგი წერილით: „მამაო რედაქტორო! მე მივიღე თქვენგან მოწოდება მართლ-მადიდებელი ძმობის დაარსების თაობაზე მის მალალ ყოველად უსამღველოესობის არქივისკოპოლის პავლესგან გამოცემული, მართლ-მადიდებელი სარწმუნოების აღმადგინებელი საზოგადოების წესდებულება და ანდრია მოციქულის სახელობაზე ღარიბ შაგირდთა დამხმარე ძმობის წესდებულება. ვავიკითხე ყველა ესეები სულით და გულით თანაუგრძობ ამ საზოგადოებათა და ამისათვის ვგზავნი თქვენთან 61 მან., რომელთაგან 50 მან-გთხოვთ ვაგზავნოთ ექსარხოსის სახელობაზე, 6 მან. მართლ-მადიდებელი ძმობის რჩევის თავს-მჯდომარის სახელზე და 5 მან. სემინარიის ღარიბ შაგირდთა სასარგებლოთ.“

ეს ფულები დანიშნულებისამებრ ვაიგზავნა ჩვენგან. ძლიერ სასიამოვნო იქნება, რომ მამა ამბერკის წამბაძველნი აღმოჩნდნენ ამ კეთილ საქმეში.

ი) „გამოჩენილი“ უბილეთო და უპასპორტო მატყუარა „ექიმი“, რომელზედაც „მწყემსი“-ს ერთ წინა ნომერში გამოვსთქვით ორიოდ სიტყვა, აღმოჩნდა ერთი სამსახურიდამ დათხოვნილი კაპიტანი ალექსანდრე სიმონისძე ხერასკოვი, რომელიც 15 ამ ნომერს დაბა შვირილაში, შიგნიდამ ჩაკეტილ ოთახში მკედარი ნახეს. შვირილის სიხლოვეს, ერთ სოფელში ქალის თხოვას აპირებდა ეს ექიმი და პირველი ცოლი

*) მეფე საქართველოსა გიორგი X, მაქმადიანობის მიუღებლობისგამო, შაჰ აბასმა მოაწამელისა შხაბითა და მოკლა (1605 წელს).

კი ოფილისში ჰყავდა. მინ არ ატყუებს საწყალ სოფლის ხალხს და ვინ არ იზრდება მათი ოფლით!...

* *

ჭეირილის ნათლის-მცემლის ეკლესიაში 16 ამ თთვეს ერთი შავშეთელი, აჭარიდამ მოსული ქართველი თათარი მოინათლა. ერთი წელიწადია, რაც იმერეთში იმყოფებოდა ის და ემზადებოდა მონათვლას. საღმრთო ისტორია ძველი და ახალი აღთქმისა და საზოგადოდ საღმრთო სჯული მშვენიერად შეესწავლა ამ შავშეთელს, რადგან ქართული ენა კარგად სცოდნია. სახელად დაარქვეს მას ზიორგი. მიმქმელად იყო პირველი გილდის ვაჭარი, სტაროსტა ჭეირილის ეკლესიისა ზედევან ჩუბინიძე. ეს მეოთხე შემთხვევა არის ამ ორ-სამ თვეში, რომ ჭეირილაში, ამავე ეკლესიაში სხვა სარწმუნოების პირები ანათლებიან. ძლიერ ცოტა შრომა და მეცადინეობა არის საჭირო, რომ აჭარელი ქართველები გაქრისტიანდნენ, მაგრამ ამას ჩვენ ჯეროვან ყურადღებას არ ვაქცევთ.

* *

2 ნოემბერს, საქართველოს პირველ-ყოფილის დედა-ქალაქის მცხეთის ტაძარში მიაბარეს მიწას განსვენებულის კნინა ნინო ბაგრატიონ-მუხრანსკის გვამი. დღის 9 საათსა და 10 წამზე რკინის-გზის საგანგებო მატარებელს უნდა წაეყვანა ხალხი თბილისიდან მცხეთას უკნასკნელის პატივის მისაცემად განსვენებულისათვის. ხალხი იმდენი შეიკრიბა ტფილისის რკინის-გზის სადგურზე, რომ მატარებელმა წასვლის მსურველთა ნახევარაც ვერ დაიტია. რკინის-გზის გამგეობა იძულებული იყო მოემატა კიდევ ვაგონები. სულ შესდგა 11 დიდი ვაგონი, მაგრამ მაინც ტყევა არ იყო ვაგონში და დიდ-ძალი ხალხი უღალგოდ დარჩა, მთელი გზა ფეხზე იდგა ან თვით ვაგონში, ან აივანზე, თავსა და ბოლოს. ათს საათზე ძლიერ დაიძრა მატარებელი. როცა ეს ხალხი მივიდა მცეთას, წირვა უკვე დაწყობილიყო და ხორა მგალობელთა გალობდა „რომელი ქერუბიმთა“-სა. ეკლესია ისეც თითქმის სავსე იყო წინაღვე მისულის ხალხითა და ახლა უფრო აივანო. დიდ-ძალი გლეხ-კაცობა იყო საყდარში დიდმიდამ, მუხრანიდამ და გარშემო სოფლებიდან. მწირველი ბრძანდებოდა საქართველოს ეგზარხოსი პავლე, პლექსანდრე ბორელის ეპისკოპოსი და ბესარიონ ალავერდელითურთ. ბალობას ორი ხორა ამბობდა რუსული და ქართული. წირვის დროს მკობრძანდა მთავარ-მართველი ძავეასიისა თ. ღონდუ-

კოვ კარსაკოვი; დასაფლავებაზე ბრძანდებოდნენ აგრეთვე: გუბერნატორი ტფილისისა და მისი თანაშემწე, ტფილისისა და ბორის მაზრის თავად-აზნაურნი, ქალი, თუ კაცი და სხვა საპატიო პირნი, ნათესაენი და ნაცნობნი განსვენებულის მთავრის ასულისა. სიტყვა განსვენებულის ცხოვრებასა და მოქალაქობაზე წარმოსთქვა ყოვლად-სამღვდელო პლექსანდრე ეპისკოპოსმა. შუა დღის უკან ორს საათზე გალავანში და ეკლესიის სახლში გამართულ იყო აღაპი. 4,000-ზე მეტი კაცი და ქალი მოიფინა გალავანში სასადილოდ. ზღვებ-კაცობა მწვენებზედ ათსა და ოც რიგად ისხდა და სადილობდა. 4 საათზე საგანგებო მატარებელთავე წამოასხა ხალხი თბილისში. ასე გათავდა ეს სამწუხარო ამბავი კნინა ნინოს დასაფლავებაზე.

უკანასკნელი დღეების ზოგიერთი საინტერესო

ცელეგრამები.

12 ნოემბერს.

ოღმსა. ცეცხლის გემათ „Забіака“ ოღესში მოკვიდნენ: რუსეთის კონსული ბუჩკასიდან ექვლანოკი სასლამითურთ, კაბიტანი ნახოკოკი, ზოზმარუნიკი ზაღვესკი და შუადი სამშობლოდამ გამოდგენილი ბოლგაკი.

შურაშეშო. ინგლისის დიპლომატია სტამბოლში წინააღმდეგია იმ კანდიდატისა, რომელსაც რუსეთი უჩეკს ოსმალეთს, და ამის მაგიერ ცდილობს საქმე ისე მოახერხოს, რომ ბოლგაკის ისე ოსმალეთის დამოკიდებულ სამთავროდ დაჩეკს და სულთანის მხოლოდ სასკელით იწოდებოდეს ბოლგაკისის მთავრად.

13 ნოემბერს.

პეტერბურში. „Journal de St.-Petersburg“-ი გვაუწყებს, რომ რუსეთის ქვეშევრდომნი ბოლგაკისში გერმანიის მეფარველობასა მიაჩქეს, სოლო აღმოსავლეთ რუქვლანში, საცა გერმანიას კონსულები აწაჭეკეს, საფრანგეთის მეფარველობის ქვეშ იქნებანო.

14 ნოემბერს.

სოქიან. სამხედრო სასწავლებლის რამდენსამე იურკერმა დაასმინა, რომ ამ სკოლის მასწავლებელი,



კაპიტანი ტვაიჩაროვი ეს რამდენიმე ხანია იუნკრებს ავულოანებს და უჩრევს, არეულობა მოახდინეთო. სასწავლებლის უფროსმა ბრძანება გასცა შეეპყრათ ტვაიჩაროვი, თოფ-იარაღი აეხსნათ მთელის სასწავლებლისათვის და სასჯიკი გამოძიება მოეხდინათ. იუნკრების საქმე არაფრით გათავდა; დამნაშავედ აღმოჩნდა მხოლოდ ერთი აფიცერი. კორესპონდენტმა იმიტომ გააზვიადეს ეს საქმე, რომ ბოლგარიაში ამ ხანებში არაფერი საყურადღებო ამბავი არ მომხდარა.

ზადბან-ეფენდი სკლილობდა გაეგო, რას ჰფიქრობს სარეგენტო ახლის მთავრის კანდიდატობაზეო; ზადბან ეფენდის უპასუხეს, რომ მთავრის ამორჩევა მხოლოდ დღის საერო კრებაზეა დამოკიდებულიო და სარეგენტოს ნება არა აქვს, არც ჰო სთქვას, არც არა ახლის მთავრის კანდიდატობის შესახებო, შემდეგ ვითომ ზადბან-ეფენდი იმაზე ჩამოაგდო ლაპარაკი, რომ სარეგენტო ოსმალეთმა უნდა დანიშნოს ხოლმეო. ამაზე სარეგენტოს პასუხად უთქვამს, რომ მაგ გეარ შემთხვევაზე არას არ ამბობს ბერლინის ხელ-შეკრულებათ და რომ სარეგენტოს არ შეუძლიან დღე მანდელს ყოფაში მაგის პასუხი სთქვასო.

განცხადება.

მიიღება ხელის-მოწევა 1887 წლისათვის ქართულ სასულიერო ბაჟეთს

„მ წ ყ ე მ ს ი“

და „მწყემსი“-ს რუსულ დამატებაზე.

მაზანი და დანიშნულება გაზეთისა: 1) შეატყობინოს სამღვდლო და საერო წოდებას ყველა განკარგულება და მოქმედება უმაღლესთა სასულიერო და სახორციელო მართებლობათა, კონსისტორიათა და მღვდელ-მთავართა, რომელთა გამოცხადება შესაძლო იქმნება; 2) გაავრცელოს ქართველ სასულიერო წოდებაში და ხალხში სალიტერატურო სწავლა

და ცოდნა საეკლესიო და საზოგადოებრივი ცხოვრების კითხვათა გამო; 3) გაავრცელოს საქართველოს სამღვდლო და საერო წოდებაში სწავლა მცნეირება ქრისტიანობრივი კეთილის ზნეობისა და სარწმუნოებისა და 4) აუხსნას და განუმარტიოს სამღვდლო და საეკლესიო მოსამახურებ პირთ ზეგერთი საეკვო კითხვები, რომელთა ცოდნა მიუტლებელ საჭიროებას შეადგენს მათთვის მტკიცედ მამოვალეობის ასრულებისათვის.

„მ წ ყ ე მ ს ი“ რუსული დამატებით მომავალ წლიდამ გამოვა სურათებით. ქართული გამოცემა გამოვა სამჯერ თვეში და რუსული ორჯერ.

ფასი გამოცემისა.

მთელი წლისა გაგზავნით 5 მან.
ნახევარი — — 3 —

„მ წ ყ ე მ ს ი“ რუსული გამოცემით:

მთელი წლის გაგზავნით 6 მან.
ნახევარი — — 4 —
ცალკე რუსული დამატება წლით 3 —
ნახევარი წლით 2 —

წერილების გაგზავნა და პირის-პირ მოლაპარაკება რედაქტორთან შეიძლება რედაქციაში, რომელი იმყოფება დაბა შვირილაში, რედაქტორის საკუთარ სახლებში.

ზაზეთის დაბარება შეიძლება ამ ადრესით; В Квирилу, въ редакцію „МЦКЕМСИ“ (пастырь). შვირილაში, „მწყემსი“-ს რედაქციაში.

შ ი ნ ა ა რ ს ი: წესდებანი, რომელნიც საზღვრებს კენ ქართლის ეპარქიის სამღვდლოების კრების მოქმედებათა სეეკსას.—არა ოფ. ნაწილი: ჩვენ მოძმეთ სოფლის მღვდელთა და ბლადოჩინთა სეეუკადლეოდ.—გერის სეობიდამ.—სეუკდიდიდამ.—გოსტანტინეპოლში დამ.—ქართული საეპისკოპოსო ენქერა ტულაში.—ახალი ამბები და შენიშვნები.—ტელეგრაფები.—განცხადებანი.